

գին, հանել գիր արքունուստ վասն այսր . գրեաց Թէոգորոս Պատրիարք և առ Մանուկ Պէյ հայկազն Իշխանաւոր, որ 'ի նոյն առուրս եկեալ էր 'ի Կոստանդինուպօլիս 'ի Պուքրէչէ, և յորդորեաց զնա լինիլ միջնորդ առ մեծամեծս Դրան վասն շինութեան բաժին տեղեացն Հայոց, Դրեաց և առ Պատրիարքն Ղաթոց յնգիպտոս, հոգալ ըզտեղիս իւրեանց . զի ամենայն գոյք և գրեանք նոցին այրեցան 'ի հրկիզութենէ : Եւ զկնի առուրց ինչ մաքրեցին զՍ . Յարութիւն 'ի հոգոյ և 'ի փոչոյ, և կարգեցին իւրաքանչիւր ազգ զպաշտօնեայս՝ կատարել անխափան զհոգեւոր պաշտօնս իւրեանց . նոյնպէս և Հայք 'ի Ս . Լուսաւորիչ : Ետ շինել քաղաքապետն առ ժամանակեայ կերպիւ զգուռն տաճարին, բանալ և փակել ըստ սովորութեան :

Իսկ սակս թաղելոյ զմարմին Մելքոն վարդապետի որ մեռաւ 'ի հրայրեացոսն, ընդդէմ կացին այլազգիք, զի չէր օրէն հանել մեռեալ 'ի տաճարէ անտի, մինչեւ առին տուգանս 'ի Հայոց՝ և ապա թոյլ ետուռն . Թէոգորոս Պատրիարք գրեաց վասն այսր 'ի Դուռն 'ի ձեռն դատաւորին եւ ամբաստան եղեւ զբռնութենէ այլազգեաց . գրեցաւ հրովարտակ սաստել զայլազգիան զի մի՛ բռնացին 'ի վերայ քրիստոնէից վասն թաղման ննջեցելոց իւրեանց :

Հասին գրեանք դատաւորին 'ի Կոստանդինուպօլիս, զորս տուեալ էր Հայոց, Յուռաց և Լատինաց, կամ 'ի միասին և կամ իւրաքանչիւր ազգ շինել զբաժին տեղիս իւրեանց . սակայն Յոյնք ոչ առին զայս յանձն և ոչ միաբանեցան ընդ այս, զի կամէին միայնակ շինել, եւ իսպառ վանել անտի զՀայս եւ զԼատինս : Զի յառուրս Եռասուֆ Փաշայի՝ առանց իմանալոյ Հայոց գաղտնի հանին հրովարտակ շինել զսեփհական տեղիս իւրեանց, ըստ առաջին ձեռոյն և որպիսութեան՝ համաձայն վճուոյ մեծի դէնպետին, որ և պատրաստեցին զգործաւորս և զամենայն հանգերձանս շինութեան հանեալ 'ի նաւ, և ճարտարապետ զամն Ղուսպիանոս անուռն . առին և վերահացու 'ի Դրանէ իլմաս Փաշա Զատէ միր Ապտրահման Պէյ : Ծարտարապետն չոքաւ առ վերատեսուչն Արքունի նաւատեղեաց (Թէրսխանէ Էմինի) ասել մնաս բարեաւ, ուր նստէր յայնժամ